

<https://doi.org/10.46991/hc.2023.19.1.200>

How to win. The theme of the fight and the image of the warrior in the khachkar figure relief of Artsakh

Hamlet Petrosyan

<https://orcid.org/0009-0009-4914-1916>

Doctor of historical sciences, Professor

Head of department of Cultural Studies at YSU

hamletpetrosyan@ysu.am

Keywords: Artsakh, khachkar, figure reliefs, mounted and foot warriors, weapons, horse, military operations, worship.

One of the essential features of the khachkar culture of Artsakh is the figure relief depicting mortals, which has been especially widespread since the 12th century. The Artsakh khachkar figure relief depicts images, themes or scenes that usually have nothing in common with official Christianity, although they are placed next to the cross and accompanied by canonical inscriptions on the Last day. The figure reliefs represent warriors, princes and craftsmen, women and children. They represent the idealized image of the deceased in real life and the expectations of immortality after death. The themes of fight, hunting, feast, inconsolable mourning, "family portrait" and "waiting for a cross" can be distinguished.

One of the most common images in the reliefs are horsemen and foot soldiers, who are depicted with weapons, with family members, servants, in the ritual drinking of wine, etc.

Ինչպես և հաղթել: Կովի թեման և ռազմիկի կերպարն Արցախի խաչքարային պատկերաքանդակում

Համես Պետրոսյան

պատմական գիտությունների դոկտոր, պրոֆեսոր

ԵՊՀ մշակութարանության ամբիոնի վարիչ

Հիմնարարե՛՝ Արցախ, խաչքար,
պատկերաքանդակ, հեծյալ և հետիւտն
ռազմիկներ, պաշտամունք ձի,
սպառագինություն, ռազմական
գործողություններ:

Մահկանացուներին պատկերող արցախյան խաչքարային քանդակները, որոնք սկսում են տարածվել XII դարից, մի առանձնահատուկ էրևույթ են հայ մշակույթում։ Դրանք ներկայացնում են ոչ միայն առանձին կերպարներ, այլև, որպես կանոն, թեմաներ կամ տեսարաններ, որոնք սովորաբար ընդհանուր եզր չունեն պաշտոնական քրիստոնեության հետ, չնայած տեղադրված են խաչի հարևանությամբ և ուղեկցվում են վերջին օրերին ուղղված կանոնիկ արձանագրություններով։ Քանդակները ներկայացնում են ուազմիկների, իշխանների ու արհեստավորների, կանանց ու երեխանների։ Դրանք ներկայացնում են հանգուցյալի իդեալականացված կերպարն իրական կյանքում և անմահության ակնկալիքները մահվանից հետո։ Պատկերաքանդակային հորինվածքներում կարելի է առանձնացնել կովի, որսի, խնջուրի, անմիսիթար սզի, «ընտանեկան դիմանկարի», «խաչի սպասման» և այլ թեմաներ։ Քանդակներում ամենատարածված պատկերներից են հեծյալ ու հետիւտն ուազմիկները, որոնք պատկերված են զենքերով, ընտանիքի անդամների և սպասավորների հետ, ծիսական գինի բմակելիս և այլն։

Как победить. Тема борьбы и образ воина в хачкаре Арцаха

Гамлет Петросян

Доктор исторических наук, профессор
Заведующий кафедрой культурологии

Ключевые слова. Арцах, хачкар, фигуративный рельеф, конные и пешие воины, оружие, лошадь, боевые действия, военное дело, культ.

Фигуративные рельефы на хачкарах Арцаха, изображающие смертных – одно из особых проявлений в армянской культуре, которые начали распространяться с XII века. Они представляют собой не только отдельные фигуры, но и, как правило, темы или сцены, обычно не имеющие ничего общего с официальным христианством, хотя и помещены наряду с крестом и сопровождаются каноническими надписями, обращенными к Концу времен. Рельефы изображают воинов, принцев и ремесленников, женщин и детей. Они представляют собой идеализированный образ умершего в реальной жизни и ожидания бессмертия после смерти. В скульптурных композициях можно выделить темы борьбы, охоты, пирам, траура, «семейного портрета», «ожидания креста» и другие. Одними из самых распространенных образов в рельефах являются конные и пешие воины, которые изображены с оружием, с членами семьи, слуги, в ритуальном распитии вина и др.

* * *

Ներածություն: Հոդվածում խաչքարային պատերաքանդակի, դրանց ուղեկցող արձանագրությունների և գրավոր այլ աղբյուրների համադիր քննությամբ ներկայացվում են արցախյան հեծյալ և հետիւտն ուազմիկների հանդերձանքն ու սպասավիճակները, ձիու պաշտամունքը, ուազմի դաշտ ձանապարհելու և ուազմից վերադառնալու ծեսերը, ուազմական

Ինչպես հաղթել: Կովի թենան և ռազմիկի կերպարն Արցախի խաչքարային պատկերաքանդակում գործողություններին մասնակցությունը, հարազատների ու շրջապատի վերաբերմունքը դեպի ռազմիկները:

Ժամանակը: Արցախի վաղքրիստոնեական քանդակում պատկերներն ընդհանրապես բացակայում են: Առաջին պատկերաքանդակները խաչքարային հորինվածքում երևան են գալիս XI դարի վերջերին ու XII դարի սկզբներին: Ըստմիկների քանդակներով թվագրված առաջին խաչքարերը երևան են, 1158, 1174, 1180, 1181, 1183, 1186, 1189, 1194, 1203, 1205, 1212, 1215 թվականներին: Կարելի է վավերացնել, որ երևույթի լայն դրսևորման հիմնական ժամանակաշրջանը XII դարի կեսերից մինչև XIV դարերի սկզբներն են, ժամանակներ, երբ Արցախի իշխանական տները կենաց-մահու պայքար էին մղում երկրամասի անկախության համար: Երևույթը շարունակվում է և հետագա դարերում՝ արդեն տեղափոխվելով տապանաքարերի վրա ու հարատելով մինչև XX դարի սկզբները:

Հետազոտության նախապատմությունը: Արցախի խաչքարային պատկերաքանդակի քննությանն առաջինն անդրադարձել է Հովսեփ Օրբելին: 1909 թ. Խաչեն կատարած գիտական գործուղման ժամանակ հետազոտողը հատուկ ուշադրություն դարձրեց հենց այդ քանդակներին՝ դրանց նվիրելով մի առանձին հոդված: Օրբելին նկարագրել է ընդամենը տասներեք հորինվածք, փորձել է պարզել նրանց առաջանալու ակունքները, կենցաղավարման ժամանակն ու կերպարների ինքնությունը՝ միանշանակ համարելով դրանք հայ մշակույթի եզակի դրսևորում [Օրբելի, 1915, 327-335, Օրբելի, 1963a, 196-203]: Հետազում, սակայն, Օրբելին այդ քանդակների քննությամբ փորձել է ցույց տալ, որ դրանք «աղվանական» մշակույթի դրսևորում են [Օրբելի, 1963b, 347-361], հանգամանք, որից օգտվում են աղքեզանցի «հետազոտողները» Արցախի խաչքարերը «աղվանականացնելու» իրենց փորձերում [Պետրոսյան, 2014]¹:

Արցախի խաչքարերի պատկերաքանդակների հետագա հետազոտությունները [Կարախսանյան, 1976, Մկրտչյան, 1985, 15-18, Պետրոսյան, 1997, Կարապետյան, 1999, Պետրոսյան, 2008, 299-310, Պետրոսյան, Երանյան, 2022, 36-43] մեծաքանակ նյութ ու նոր մեկնարանություններ են հավելել գիտնականի կատարածին, ինչը հնարավորություն է տալիս հայտնի չափով ընդարձակելու և ճշգրտելու այս ուշագրավ երևույթի դրսևորումները:

Հեծյալ և հետիոտն ռազմիկները. Ճին, ռազմիկը, հանդերձանքը, սպառազինությունը: Արցախյան խաչքարային պատկերաքանդակը ռազմիկին ներկայացնում է լիովին սպառազինված՝ հեծյալ կամ հետիոտն (Աղ. 1, 2): Զին փոքրամարմին է՝ համապատասխանեցված Արցախի անտառային տեղանքին, ինչը մաններելու ավելի մեծ հնարավորություն է ընձեռում: Աչքի է ընկնում նրա խնամվածությունը. հարդարված են բաշը, պոչը: Զին հանդիսավոր շարժման մեջ է, մանրամասն պատկերվում են սանձի երասանակներն ու ձգանները: Զիու պոչը սովորաբար

¹ Տե՛ս, օրինակ, աղքեզանական այս անդրադարձը, որտեղ Օրբելու՝ ժամանակի գաղափարաբանությանը տված տուրքը ներկայացվում է որպես Արցախի երնամշակութային պատկանելության հարցում մեծ հետազատողի հիմնարար դիրքորոշում, տե՛ս Գյուշինու, 2013: Այո՛, հայ պատմության և մշակույթի մեր անցյալի անվանի հետազոտողները մեծ գործ են արել: Սակայն այսօր կարևոր է ոչ միայն սովորել, բարձր գնահատել և հիանալ, այլ նախնառաջ զարգացնել, մեկնարանել, ճշտել նրանց կատարածը հնարավորություն չտալով հայտնի ու անհայտ ընդիմախոսներին մերոդաբանություն դարձնել մեր մեծերի թեական մտքերը, վրիփումները կամ քաղաքական խոտորումները և դրա օգնությամբ խեղաթյուրել ու սեփականել մեր մշակութային ժառանգությունը:

History and Culture

հանգուցված է, վզից կախված է ձվածերկարավուն կախիկ: Թամբը փոքր է և սովորաբար հեծյալի տակ չի երևում, նրա առկայության մասին կարելի է դատել վզափոկով ու պոչի տակով անցնող փոկով, երբեմն թամբից կախված են ասպանդակները:

Նկատենք, որ Արցախը հետագայում քաջ հայտնի դարձած դարաբաղյան ձիու (Նկ. 3) հայրենիքն էր, ուրեմն պիտի ենթադրել, որ ձիու հանդեպ այստեղ առանձնահատուկ վերաբերմունք կար: Ըստ վրաց պատմիչի՝ Թամար թագուհու ամուսին Դավիթ Սուլանը Գանձակի մահմերականների դեմ արշավանքի է եկել արցախյան ձի հեծած: «Այնժամ թագավորը զինվեց ու զինափորվեց, նստեց դեղնարքը, որը անուն հանած լինելու համար զնել էր Վախթանգ Խաչենացուց, տալով բերդ և գյուղ, որք են Ճարմանը» [Թորոսյան, 1992, 407]: Դեղնարքը վրացերեն բնագրի «զերդագի» թարգմանությունն է: Զերդագն իր հերթին փոխառություն է պահլավերեն zartak կամ պարսկերեն zardak բառերից, որը նշանակում է դեղին, դեղնագույն (ոսկեգույն) և զարտակ, զերդագ, զառու ձևերով կիրառվել է և գրաբարում [Թորոսյան, 1992, 533-534, ծան. 242]: Նկատենք, որ Արցախի ներկա բարբառում գործածական է զարդարություն՝ «ընտիր դեղնակարմիր ցորեն» (հմմտ. «յերի արտի զարդա» արտահայտությունը) նշանակությամբ: Հակված ենք կարծելու, որ զերդագը տվյալ դեպքում (այսինքն՝ վրացերեն տերսում) ոչ թե սոսկ երանգ նշող, այլ արցախյան ձիու հիմներանգը հենց դեղնակարմիրն է: «Ոսկեգույն փայլվլում է ոչ թե նրա մազածածկույթը, այլ մաշկի գույնը, այդ պատճառով էլ թվում է, թե փայլը գալիս է ոչ թե մակերեսից, այլ խորքից. ...դարաբաղյան ձին ոսկի է ցայում, վազում է ոսկու մեջ», – այսպիսի հիացմունքով է նկարագրել արցախյան ձիու հիմներանգը հայտնի արձակագիր Մարիետա Շահինյանը [Շահինյան, 1931, 345]:

Քննարկվող քանդակներում առանձնակի ջանասիրությամբ պատկերվում են նաև զենքերն ու զիսարկը: Զիու հետ միասին դրանք հանդես են զալիս որպես անձի կարգավիճակն արտահայտող կարևոր հատկանիշներ:

Հեծյալը նստած է հանդիսավոր, ուղղահայաց դիրքով, ողջ մարմինը ներկայացված է կողքից և միայն զլուխը՝ դիամահայաց (Նկ. 4): Հանդերձանքից առանձնանում է եռանկյունաձև կամ կոնաձև սաղավարտ-զիսարկը, որը հաճախ ավարտվում է սուր, երբեմն էլ ոռմբած ելուստով: Սաղավարտի ստորին եզրից մինչև ուսերն են իջնում երկու ծամ. որոշ օրինակներում հստակորեն դիտելի է, որ դրանք ոչ թե ոեալ հյուսքեր են, այլ զիսանցի մաս: Որոշ քանդակների վրա դիտվում է միջին լայնության գոտին, որից սովորաբար երկու փոկերի օգնությամբ կախված է կապարձ կամ թուրք: Տազմիկները հագել են ծնկից ներքև իջնող լայն չուխա: Հեծյալը սովորաբար մի ձեռքով բռնում է սանձը, մյուսով՝ նիզակը: Նիզակն ավելի երկար է, քան ձին, և ավարտվում է շեղանկյուն սայրով: Ներկայացված են նաև աղեղը, կապարձը, երկարավուն թուրք, երբեմն վահանն ու գուրզը: Ի տարբերություն հեծյալների՝ հետիուն ուղղմիկները զինված են նետ-աղեղով կամ թրով: Երբեմն միասին են պատկերվում երկու հեծյալ, նույնիսկ՝ երեք հետիուն զինյալ:

Արցախի, Ուտիքի, Չուղայի խաչքարերն աղվանական հայտարարող Ախունդովի հերթական «հայտնագործությունը» վերաբերում է վերոնշյալ ռազմիկներին: Երևույթին ծանոթ լինելով միայն Գանձասարի մի խաչքարի բեկորով ու սաղավարտի կախիկներն անվերապահորեն ընդունելով որպես իրական ծամեր, չիմանալով խաչքարի կոնկրետ ժամանակագրությունը (խաչքարը թվագրված է 1174 թվականով) և հաշվի չառնելով երնումշակութային միջավայրը՝ նա հայտարարում է, թե «աղվանական» խաչքարերը կարող են ունենալ օտար ու նույնիսկ մոնղոլ

Ինչպես հաղթել: Կովի թեման և ռազմիկի կերպարն Արցախի խաչքարային պատկերաքանդակում ռազմիկների պատկերներ՝ «բնորոշ խալաթով, գլխարկով, երկու ծամերով և ձեռքներին նիզակ» [Ախոնդօվ, 1986, 244-245]: «Ծամերը» միայն մոնղոլներին բնորոշ համարելու «գյուտն» այնքան է հրապուրել աղբեջանցի յուրացնողներին, որ նրանց չի զգոնացրել նաև ռազմիկի երկար նիզակը՝ զինական մի ատրիբուտ, որը բացարձակապես բնորոշ չէր մոնղոլներին: Հանրահայտ է, որ մոնղոլների հիմնական գենքը նետ-աղեղն էր, որի պատճառով էլ հայերը նրանց նետող (այսինքն՝ նետաձիգ) են անվանել: Գրիգոր Ականեցին, որն ապրում էր Գանձասարից ոչ հեռու գտնվող Ականա բերդում և մանրամասնորեն նկարագրել է մոնղոլների արշավանքը Անդրկովկաս և, ի մասնավորի Արցախ, իր գիրքը վերնագրել է «Պատմութիւն ազգին նետողաց» [Գրիգոր Ականեցի, 1961]: Սակայն ամենահականն այն է, որ «ծամավոր» այս ռազմիկների պատկերներն Արցախի խաչքարերի վրա վկայված են XI դարի վերջերիս սկսած՝ ժամանակներ, երբ Մերձավոր Արևելքում ոչ միայն չին տեսել, այլև նույնիսկ չին լսել մոնղոլների մասին: Ինչ վերաբերում է երկարագես ու ծամավոր զինյալներին ընդհանրապես, ապա, ինչպես փորձել ենք ցույց տալ մանրամասն մի քննության մեջ [Պետրոսյան, 2001, 75-81], որանք այնքան էլ բացառիկ չին հայ զինուժում ու մշակույթում, կազմում էին երիտասարդ ռազմիկների դասը և հայկական աղբյուրներում հայտնի են «մանուկ» անունով: Փաստերը խեղայուրելու կամ «անտեսելու» մեծ վարպետ է նաև Ռ. Գեուշևը: Արցախի Ճանկաթաղ գյուղի Ծովատեղ հնավայրի խաչքարերը (որոնց մի զգալի մասը ժամանակին ինքն էլ գողացել-տարել է Բաքու) նա ներկայացնում է առանց կոնկրետ աշխարհագրական տեղադրությունը ճշտելու՝ որպես Կովկասյան Աղվանքի Սիննախ հնավայրի նյութեր՝ «չհիշելով» հայերեն արձանագրակիր ու թվակիր օրինակները և հայտարարելով, որ ի տարբերություն հարևան երկրների՝ մարդկային կերպարները Կովկասյան Աղվանքի բնորոշ հատկանիշներից են [Գեյշեա, 1984, 102-103]:

Հաջորդ խումբը կազմում են այն հորինվածքները, որտեղ ռազմիկները ներկայացված են մերձավորի և/կամ ծառայի հետ: Այս խմբում հատուկ հետաքրքրություն են ներկայացնում այն տեսարանները, որտեղ հետխոտն կերպարը նույն չուխայով ու գլխարկով է, ինչ ռազմիկը (ինչը ցուցում է, որ գործ ունենք տղամարդու՝ ամենայն հավանականությամբ որդու կամ ծառայի հետ), բայց, որպես կանոն, անզեն, մի ձեռքում ունի մի սափոր, իսկ մյուսով, հավանական է, ռազմիկին է մեկնում, զինով լիքը գավաթը (Նկ. 5): Որոշ տեսարաններում գավաթն արդեն գտնվում է ռազմիկի ձեռքին (Նկ. 6): Եզակի դեպքերում կարող են հավելվել ու ուտելիքներով ծանրաբեռնված սեղան-սինիները, ինչը նույնպես ամրապնդում է այն ենթադրությունը, որ գործ ունենք զինու ծիսական ըմպումը ներկայացնող տեսարանների հետ, որը հավանաբար պատկերում է ռազմի դաշտ ճամփելու կամ ռազմից վերադառնալիս դիմավորելու հանդիսավոր ծեսը:

Սափորն ու գավաթը հանդես են զալիս նաև մի շաբթ տեսարաններում, որոնցում բացակայում է սպառագինությունը: Խոսքը վերաբերում է բուն խնջույքի տեսարաններին, որտեղ պատկերվում է հանգույցյալ՝ միայնակ կամ մերձավորների շրջապատում, դիմացը դրված ուտելիքներով լի սեղան-սինիներով (Նկ. 7): Հանգույցյալին գավաթ են մատուցում կամ արդեն ձեռքին գավաթ ունի բռնած: Խնջույքի տեսարաններում կարող է բացակայել և ռազմական հանդերձանքի ամենակարևոր մասը՝ գլխարկ-սաղավարտը: Այսպիսով, ստացվում է տեսարանների մի շաբթ, որ կարելի է սկսել ռազմիկից և ռազմական ուժի ցուցադրությունից՝ ավարտելով խնջույքով:

Ուազմիկի հանդեպ շրջապատի վերաբերմունքը: Ուազմիկի հանդեպ շրջապատի վերաբերմունքի առումով կարևոր է, այսպես կոչված, «անմիտթար սգի» թեման, որը ներկայացնում է ուազմիկին ու նրա ընտանիքին՝ կնոջը, երեխաներին (Նկ. 8): Որոշ տեսարաններում հատուկ ներկայացվում է որդով հիացող և նրա կորուստը ողբացող մայրը: Այսպես, Կոշիկ անապատի մի խաչքարի վրա (Նկ. 9)՝ սալի ստորին մասում, ձախից պատկերված է նիզակով, աղեղով ու կապարձով զինված հեծյալը, իսկ դիմացը՝ սալի աջ կողմում՝ թախտին նստած է մայրը՝ համապատասխան գրությամբ: «Մայրն»: Արձանագրությունը հայտնում է. «Թ. :ՈԿԴ: (1215 թ.): Ես Չափիր կանգնեցի զիսաչ որդոյ իմոյ Գրիգորոյ. յիշեցէք» [ԴՀՎ, 5, 27]: Նույնը տեսնում ենք և Հավապատուկ վանքի մի խաչքարի վրա: Երկու դեպքում էլ մայրերը ձեռքերը պարզել են դեպի որդին՝ կարծեք հիացմունք ու կորստյան վիշտ արտահայտելով:

Մասնակցությունը ուազմական գործողություններին: Խաչքարային առանձին արձանագրություններ և գրավոր այլ առյուրներ հնարավորություն են տալիս ներկայացնելու նաև ուազմական գործողություններին մասնակցելու որոշ մանրամասներ: Օրինակ՝ Խաչենի իշխան Հասան Վախթագյանն 1182 թ. խաչքարային արձանագրությունում իր կյանքի հիմնական գործն է համարում հենց պատերազմելը. «Ես Հասան որդի Վախտանգա, տէր Հաթերքո և Հանդարերդոյ, Խաչինաբերդո և Հաւախաղացին կացի յաւագութեան ամս: Շատ պատերազմաւ եւ յաղթեցի թշնամեաց իմոց աւգնականութեամբն Աստուծոյ» [ԴՀՎ, 5, 198]: Առաջաձորի խաչքարային արձանագրություններից մեկը ներկայացնում է մի ուազմիկի «արկածային» պատմությունը (Նկ. 10): Արձանագրությունը տեղադրված է քանդակային հորինվածքից ներքև և զբաղեցնում է սալի մակերեսի մեկ երրորդը: Այն հայտնում է. «ԹՎ :ԶԶ: (1257 թ.): իշխանութ[եամբն] Զալալին, պատրոնութ[եամ]բն Հասանայ, ես՝ Սահլուն գնացել եմ ի Մուլոդն ու գնացել եմ ի Սոնեթ ու գնացել եմ ի Կասարիայ ու :Բ: հետի ի առազմ եմ մտել ու խաղաղութ[եամբ] ի դուս եկել: Կանգնեցի խաչ ինձ և ամուս[ն]ոյ իմո. յաղաւթս յիշեք...»: Ինչպես ցույց ենք տվել այս արձանագրության մանրամասն քննությամբ [Պետրօսյան, 1991], Սահլունը Խաչենի իշխանության գորաջոնկատներից մեկի կազմում մասնակցել է մոնղոլական արշավանքներին դեպի Մուլուդ (Մուլուդը Հյուսիսային Իրանի անմատչելի լեռներում տեղադրված իսմայիլիտ աղանդավորների երկիրն էր՝ Ալամութ կենտրոնով), Կեսարիա և Սվանեթ, նաև երկու ճակատամարտի և ողջ մնացել: Հավանական է, որ ուազմի դաշտում մեր հերոսը խոստացել է ողջ մնալու դեպքում խաչքար կանգեցնել, ինչն էլ իրականացրել է հեռավոր արշավանքներից բարեհաջող վերադառնալուց հետո: Եթե նկատի ունենանք, որ խաչքարը կանգնեցվել է հեռավոր արշավանքներից վերադառնալուց անմիջապես հետո կարելի է ենթադրել, որ Սահլունի համար խաչքար կանգնեցնելու անմիջական առիթը այդ դաժան փորձություններից ողջ վերադառնալն էր, և որ ծանր պահերին նա, փրկություն հուսալով, խոստում է տվել առաջին իսկ հնարավորության դեպքում իր երախտագիտությունը հայտնել բարձրյալին: Հենց սրանով կարելի է բացատրել զուտ պատմողական հատվածի առկայությունը կանոնիկ արձանագրության տեքստում: Ինչպես վկայում են ժամանակի գրավոր առյուրները, մոնղոլները սովորաբար հայկական զինուժը դնում էին առաջնագծում և վերահսկում նրա գործողությունները թիկունքից [Կիրակոս Գանձակեցի, 1961, 269, Զեռագրերի հիշատակարաններ, 1984, 229]: Ահա թե ինչ է գրում այդ մասին Գրիգոր Ականեցին. «Եվ զիսաւորն զարուն Բաչու նուինն յաջողեալ էր ի գործ պատերազմի. ուր և հանդիպէմ ընդէմ աղեացն իւրեանց, բազում յաղթութիւն առնէր. բայց պատճառ յաղթութեանն էին

Ինչպես հաղթել: Կովի թեման և ռազմիկի կերպարն Արցախի խաչքարային պատկերաքանդակում Հայոց և Վրաց իշխանքն, որ լինելին երես զարացինն, եւ ուժգին բախիելով ի թշնամիսն յարձակէին. եւ ապա զկնի նոցա Տաթարն նետիւ եւ աղեղամբ» [Գրիգոր Ականեցի, 1961, 20]:

Մեր կողմից քննարկված պատկերաքանդակները, որոնք վկայում են առանձնահատուկ համակրանքի և պաշտամունքի մասին, որ վայելում էին ռազմիկները, կարելի է լրացնել և մի շարք արձանագրական տեղեկություններով, որոնցում մայրերը, կանայք և որդիները հատուկ շեշտում են իրենց հարազատների հայտնի և քաջ զորական լինելու հանգամանքը: Օրինակ՝ Վաճառի սուրբ Ստեփանոս եկեղեցու մի արձանագրության մեջ կարդում ենք. «Ես՝ Գրիգոր՝ որդի քաջ զարականին Զաջուռա» [ԴՀՎ, 5, 79], Դաղիվանքի կաթողիկե եկեղեցու կառուցման արձանագրության մեջ Վերին Խաչենի իշխանուիի Արզուխաթունն այսպես է ներկայացնում իր ավագ որդուն. «...Անդրանիկն իս Հասան սպանաւ ի թուրքաց պատերազմին վասն քրիստոնեական հաւատոյ» [ԴՀՎ, 5, 199]: Կամ էլ 1201 թ. խաչքարային մի արձանագրություն հայտնում է. «Պատրոնիկն Վասակ ... երթեալ եղի ի Գոլաշտեան և առ զնա յանօրինաց՝ օգնութեամբն Ա[ստուծոյ] և... ինքն նահատակեցաւ ի վերայ քրիստոնէից, և իշեալ լոյս ի վերայ ի տեսութիւն բազմաց» [ԴՀՎ, 5, 130]: Հայրենիքի համար զոհված զորականները կոչվում են նահատակ, արիական, հսկայագաւր և նման այլ բնութագրերով:

Առաջաձորի մի եզակի արձանագրություն հնարավորության է տալիս խոսելու նաև Խաչենի զորքի երդմանակալության մի ծեսի մասին: Առաջաձոր զյուղի Անապատ ժայռափոր վանքի 1249 թվականի մի արձանագրության ընդարձակ տեքստն ի մասնավորի հայտնում է.

«Արքայ Զալալայ Եւ Աթարակ՝ որդին նորայ, իշխան Խաչինյ Եւ Ծռանայ, Ուքան մանուկն Հասանա... սիրով միաբանան ի սմա այլ մեծամեծ իշխանք և զարք նոցայ՝ միայհամուռ, համակից միմեանց, աւրհնեալ, հզարացեալ եղիցին ի կամս Ա[ստուծոյ] հաւր և նմայ փառք յաւ[իտ]եանս, ամէն:

Տունկո բարի ծառս ամենի,
Պտուղն բիւր հազար բարի,
Ով փափագի՝ աստ վայելի,
Կենաց յուսոյն/ նայ հասանի:

Ողորմի Աստուած միաբանելոցս ի սմա սիրով եւ արդեամբ, եւ ամենայն բարեպաշտ իշխանաց մեր/ng տացէ Ա[ստուած] զբարեմտութիւնն/ հոգոյ եւ մարմնոյ...» [ԴՀՎ, 5, 88-89]: Խաչենի իշխանների, զորավարների և զորքի այս հավաքը, ինչպես կարելի է մակաբերել արձանագրությունից, վավերացնում է մի հատուկ ծես, որի ընթացքում երդում են տալիս և ամրապնդվում խաչի զորությամբ, որն արձանագրության մեջ ներկայացվում է բանաստեղծական հանգավորված տեքստով («Տունկո բարի ծառս ամենի...»):

Եզրակացություն: Խաչենի խաչքարային պատկերաքանդակն առանձնակի տարածում գտավ աշխարհաքաղաքական տեսանկյունից խիստ փոփոխական ժամանակաշրջանում՝ սելջուկյան արշավանքներ և տիրապետություն, լեռնաշխարհի անկախության համար պայքար, մոնղոլական արշավանքների դիմակայում ու տեղատվություն: Բոլոր այս երեք փուլերն եւ ուղեկցվում էին ռազմական ընդհարումներով, արշավներով ու ճակատամարտերով: Արցախի ռազմական ուժը մի դեպքում ազատագրում էր իր հայրենիքը՝ կենաց-մահու կորի մղելով, մի այլ դեպքում դաշնակցում էր տարբեր ուժերի հետ, նույնիսկ ստիպված էր մոնղոլների հետ մասնակցել նրանց հեռավոր արշավներին: Բայց անկախ այդ փոփոխություններից՝ զինված լինելը, կռվին

պատրաստ լինելը, ռազմիկի դերակատարման կարևորության ընկալումը մերձավորների, իշխանների, եկեղեցու և ողջ հանրությ կողմից մնում էին անփոփոխ: Կենարնթացն ընկալում էր որպես հավերժ կոիվ, որին պիտի միշտ պատրաստ լինել, ինչն էլ պայմանավորել է քննարկվող քանդակների կերպարային ու թեմատիկ բազմազանությունը, գիտական քննության առումով ուշագրավությունն ու արդիականությունը:



Նկ. 1. Հեծյալ ռազմիկը, 1200 թ.,
Վաճառ, լուս.՝ Հ. Պետրոսյանի



Նկ. 2. Հետիոտն ռազմիկներ,
12-13-րդ դարեր,
Ծմակահող, լուս.՝ Հ. Պետրոսյանի



Նկ. 3. Արցախյան ձի, լուս.՝ Հ. Պետրոսյանի:



Նկ. 4. Հեծյալ ռազմիկ, խաչքարային պատկերաքանդակ,

1203 թ., Կոշիկ անապատ, լուս.՝ Հ. Պետրոսյանի:



Նկ. 5. Հեծյալ ռազմիկներն ու մատովակը, խաչքարային պատկերաքանդակ,

XII-XIII դարեր, Պառավաձոր, լուս.՝ Հ. Պետրոսյանի:



Նկ. 6. Հեծյալ ռազմիկը գինու գավաթով, խաչքարային պատկերաքանդակ, XII-XIII դարեր,
Հանդաբերդի վանք, լուս.՝ Հ. Պետրոսյանի:



Նկ. 7. Խնջույք, ընտանիք, խաչքարային պատկերաքանդակ, 1253 թ.,
Շիկաքար, լուս.՝ Հ. Պետրոսյանի:

How to win. The theme of the fight and the image of the warrior in the khachkar figure relief of Artsakh
Ինչպէ՞ս հաղթել: Կռվի թեման և ռազմիկի կերպարն Արցախի խաչքարային պատկերաբանդակում




Նկ. 8. Հեծյալ ռազմիկն ու իր ընտանիքը, խաչքարային պատկերաքանդակ, 1202 թ.,

Հարգումեր, լուս.՝ Հ. Պետրոսյանի



Նկ. 9. Մայրը և ուազմիկ որդին, խաչքարային պատկերաքանդակ, 1212 թ.,
Կոշիկ անապատ, լուս.՝ Հ. Պետրոսյանի:



Նկ. 10. Սահլունի արձանագրությունը, 1258 թ., Առաջաձոր, լուս.՝ Հ. Պետրոսյանի:

Գրիգոր Ականեցի, Պատմութիւն ազգին նետողաց, հայերեն բնագիրը և վրաց. թարգմանությունը Ն.
Շոշիանշվիլու, Թբիլիսի:

**ԴՀՎ 5 – Դիվան հայ վիմագրության, պր. 5, Արցախ, կազմեց U. Բարիտուղարյան, Երևան, ՀՍՍՀ ԳԱ
հրատ.:**

Թորոսյան Խ. 1992, «Թագավորների պատմությունն ու գովաբանությունը» որպես Զաքարյան
Հայաստանի ու Զաքարյանների պատմության սկզբնաղբյուր, Երևան:

Կիրակոս Գանձակեցի 1961, Պատմութիւն Հայոց, աշխատասիրությամբ Կ. Ս. Մելիք-
Օհանջանյանի, Երևան, ՀՍՍՀ ԳԱ հրատ.:

**Զեռագրերի հիշատակարաններ 1984 - Հայերեն ձեռագրերի հիշատակարաններ. ԺԳ դար, կազմեց
Ս. Ս. Մաթևոսյան, ՀՍՍՀ ԳԱ հրատ.:**

Կարախանյան Գ., 1976, Երաժիշտ կատարողների քանդակներ 12-13-րդ դդ. խաչքարերի վրա // ԼՀԳ,
թիվ 3, էջ 99-105:

Կարապետյան 1999, Հայ մշակույթի հուշարձանները խորհրդային Աղրբեջանին բռնակցված
տարածքներում, Երևան:

Մկրտչյան Շ. 1985, Լեռնային Ղարաբաղի պատմաճարտարապետական հուշարձանները, Երևան,
«Հայաստան» հրատ.:

Պետրոսյան Հ. 2001, «Մանուկի» կերպարը ուշմիջնադարյան հայ տապանաքարային քանդակում
(15-17-րդ դարեր), Թուխ մանուկ, Երևան, էջ 68-84:

Պետրոսյան Հ. 2008, Խաչքար. ծագումը, գործառույթը, պատկերագրությունը, իմաստաբանությունը,
Երևան, «Փրինքինֆո»:

Պետրոսյան Հ., Հովսեփ Օրբելին և Արցախի խաչքարային պատկերաքանդակի հետազոտության
խնդիրը, 2014, «Վեմ», թիվ 2, էջ 100-113:

Պետրոսյան Հ. 2022, Երանյան Ն., Արցախի կոթողային մշակույթը, Երևան, «Անտարես»:

Ахундов Д. 1986, Архитектура древнего и раннесредневекового Азербайджана, Баку, Азернешр.

Геюшев Р. 1984, Христианство в Кавказской Албании, Баку, Елм.

Гусейнов Р., Кого уличают армянские и неармянские учёные в присвоении албанского культурно-
исторического наследия? // http://www.rizvanhuseynov.com/2012/03/blog-post_01.html.

Орбели И. А. 1915, Бытовые рельефы на крестных камнях Хачена 12-13-го веков - Записки Восточного
отделения Императорского русского археологического общества, т. 22, вып. 3-4, с. 327-335.

Орбели И. А. 1963, Бытовые рельефы на крестных камнях Хачена 12-13-го веков Избранные труды,
Ереван, с. 196-203:

Орбели И. А. 1936, Албанские рельефы и бронзовые котлы // Избранные труды, Ереван, с. 347-361.

Петросян Г. 1991, Новонайденный хачкар из Арачадзора, «Լրաբեր հասարակական
գիտությունների», թիվ 4, էջ 147-152.

Петросян Г. К 1997, интерпретации группы сюжетных рельефов на хачкарах Арцаха - ИФЖ, N 2, с.
164-171.

Шагинян М. 1931, Нагорный Карабах. Советское Закавказье, М.-Л.